

新疆图志

新

疆

圖

志

新疆圖志卷五十三

民族文
化宮圖

交涉一

翳維崑崙幹絡居神州大陸之脊其東幹蟠蜿而趨綿書為寶藏

連以屏幃中原自其西端則越帕米爾高原嚮與都克士愛耳布

芝高加索諸山以入於西方亞細亞實為亞歐二洲交通之樞軸

洪水以前載籍無徵弗可考已漢武開通西域聲教四訖北至烏

孫大宛暨於鮮卑康居之族烏孫屬伊犁地大宛當今費爾干省辟卑為西北利亞屬康居屬吉利吉里荒服南略屬賓今克什米爾

覃及身毒大夏西踰葱嶺臣服月氏極於安息條支諸國當是之

時使命往來重譯萬里歐亞交通之機開然若闢東漢明章之世

班超建功采入其阻殊威震於絕漠委質內屬者五十餘國既定

安息迺遣掾甘英欲通大秦之路至於犂鞬犂鞬在亞洲極西統於羅馬尚非大秦國都也後漢書指犂鞬即為大秦者誤

窮臨西海不克渡而還西海當即波斯海由是東西局闕幾啟而復塞者千有

餘年隋唐之際大食崛興天方教徒流衍西域而景教亦於斯時

繼踵東來貞觀十二年歷亞刺伯海溯阿母河經小亞細亞度越

葱嶺而入我中原歐人之游歷傳教漸啟交涉自茲肇端矣唐初

奄有西域置北庭安西都護府起漠北至於北海凡錫伯利路諸

國皆為羈縻郡縣更戡定東西突厥二部突厥即條支之轉音屬今土耳其族威力遠播北

屆黠戛斯西臨波斯大食荒服內外悉主悉臣至懿宗咸通朝始

聞有俄羅斯酋長祿利哥建國於康居以北濱海之地西域與東

歐之關係蓋自唐始也唐衰西域之地或淪於回紇或沒入於吐

番循五季以終宋朝時值歐洲多故羅馬十字軍與土耳其有宗

教之爭風倣雲詭莫或遑處故亞歐交通之局至是而又頓挫不

進者垂六百餘年洎元世祖崛起漠北開阿力麻里帥府以監天

山北路設別失八里帥府以監天山南路更建行省於阿母河統

馭葱嶺以西部族橫貫亞細亞大陸置略俄羅斯南境分封諸王

於伊兒汗旭烈兀之子孫封於伊兒汗國據有阿母河以外西方亞細亞等地欽察汗拔都之子孫封於欽察汗國東有吉利吉思荒原西至匈牙利及高加索以北地察合臺

汗察合臺之子孫分封於此據有西爾河外天山附近一帶之西遼故土阿窩臺汗等國阿窩臺之子孫分封於此據阿爾泰山附近之乃滿故土及以也迷里一帶地畧地至

裏海以西再征俄羅斯佔領莫斯科城進擊波蘭席卷匈牙利蹂

躡至日耳曼東部歐東諸侯西走乞援將爲合縱之約而元帥已奏凱而還于斯時也蒙古威名震盪西土有混一歐亞之勢而西域與歐洲之交通迺自此益密此則自有史冊以來西方交涉之緣起也夫古者天子守在四夷自漢唐元代以迄我

朝開國之初沿西域邊徼外擁土建號者大小十餘國若布魯特安集延浩罕坎巨堤阿富汗克什米爾各酋長雖長地封豕更迭爭雄時不免憑陵上國致勞西顧逮其後畏威懷德亦正賴此列邦小侯星羅碁布屹然屏蔽以環衛我邊圉使歐洲強國不能越此戎索來實逼處此之嫌今則俄羅斯盡略取東西錫伯利亞及中央亞細亞諸回部壓我邊界而居英吉利亦佔領印度全土取阿富汗爲保護國新疆緣邊七千餘里壤地毗連藩籬盡撤絲是訂約設領事通商傳教暨交界人民爭訟一切交涉條件乃棘起叢生至於不可究詰斯又漢唐歷代聖君賢相開拓疆土以來所萬萬意料不到此者已夫以新疆大勢論之交涉之危艱難而鉅

者誠不在英而在俄俄人之我伊犁也肇起於咸豐元年開我窺東南髮亂乘機攫利要求伊塔通商又覬塔爾巴哈台山後金礦之利恐哈薩克擾掠爲患乃於伊犁境外博羅呼濟爾卡倫附近阿里瑪圖地方建立商埠以誘致之二年俄人自倭連布南下進兵阿里瑪圖以西築砲壘於哈薩克境內震攝該地土民以示威力四年始於額爾齊斯河西岸輝邁拉虎卡倫外地方設立斜米帕拉庭斯克巡撫塔什干之哈薩克與浩罕世仇浩罕因哈衆受役於俄發兵攻之俄大舉伐浩罕降其衆同治三年值我甘新回逆作亂俄再征浩罕奪塔什干城遂於阿爾瑪圖地方設立斜米烈厘斯克巡撫五年布哈爾汗懼俄侵畧與浩罕聯盟禦俄俄將高福滿進兵擊敗之陷撤馬兒罕布哈爾請援於阿富汗求英國之同盟道遠不濟俄兵圍之乞和爲城下之盟

和約中重要條款一嗣後布哈爾永屬俄之保護國一償兵費五十萬盧布並撤馬兒罕以外凡俄軍所駐之地悉割讓於俄

年又於撤馬兒罕城設立雜拉夫山巡撫俄既定布哈爾地乃進

希窺窪

一名機窪又作基華舊屬布哈爾至康熙初年始離布為獨立國

十一年俄將高福滿乘希窪內亂

咸豐四年希窪為波

斯所改且國中有承襲君位之爭勢不振

又偵知其潛通布哈爾有叛俄之志

康熙年間帝窪與布哈爾構兵連敗屢遣使求俄保護彼得帝允其請

以希人劫奪俄商為名興師問罪入其國都尋訂約議和

和約大端二款一希作屬隸於

俄國非得俄皇之允許不得與他國交通及和戰等事一阿拉伯海與裏海之間及阿姆河以北地當割讓俄並償兵費二百二十萬盧布

曩布哈爾之敗也浩罕亦臣

服於俄顧國民不悅屢劫殺俄人光緒元年俄將司古拜烈夫討滅之盡有其地置巡撫鎮之名曰費爾干省是時有土爾克綿尼

人未服二年俄征取其地設立雜哈斯披巡撫八年俄人還我伊

犁後又於斜米帕拉庭斯克之北額爾齊斯河東岸設立鄂穆斯

克總督先後六十年中俄人環我邊境置總督二巡撫七西方小

部落蠶食殆盡光緒二十五六年間錫伯利亞鐵路全功告成由

鄂穆斯克塔什干等處乘氣車至莫斯科舊京閱五日而達今且

展築支路至我喀什噶爾邊外交界之綫處處毗近則交涉之事

亦在在堪虞英人慮俄之侵軼印度也其始為防衛屬土計於光

緒五年助阿富汗以抗俄師連兵數歲卒互相退讓和議僅而克

成後覘我邊備少弛而畏俄人獨擅利益乃於十七年進兵坎巨堤逐其酋長又窺伺帕米爾西境交涉之事滋起矣夫中國東南濱海七省自道咸以來海禁大開泰西各國互市締約者常不在陸而在海獨我新疆僻處邊陲萬山環疊崑崙崧嶺爲自古中外天然之界限又有大小回部幃蔽其間宜若可閉關謝客宴然安枕無有敵國外患之虞乃搶攘數十年中俄逞東北英覬西南天若特開一陸路交通之局使西域徭榛之民大啟爾宇恍然知穹廬囊括之外別有天地皆將競吾智負吾力雖欲盱眙睢睢長此終古而不可得則外交之相乘或轉有益於西方民族未可知也故撮其交涉原始叙而論之凡訂約設領通商會讞傳教游歷諸端分疏條目悉著於篇若夫疆場之事卡倫鄂博畛畫溝分卷帙繁重別爲國界志專論之茲不殫述但述其交涉始末俾留心邊事者得觀覽焉

國朝天聰二年額魯特蒙古之土爾扈特部由雅爾之額什爾弩

拉地率部族西徙於俄羅斯之額濟勒河

案查額濟勒河岸曰瑪努托海本爲俄國甌脫地土爾扈特遷居於此屯且牧焉其地饒馬俄人與之市易土爾扈特資其贍給俄有徵調常助兵從征戰其後俄漸强大遂指土爾扈特爲己屬國然以宗教風俗不同之故恥受服役恒思歸向中國

案西域與

俄羅斯交通實始於此

康熙二十八年準噶爾汗噶爾丹叛亂

案查噶爾丹叛亂將侵喀爾喀蒙古揚言借俄羅斯兵六萬火器手六萬大舉北犯次年五月

朝命傳諭俄羅斯商人馳歸告其疆吏各安邊境毋助亂入其時俄方有事西歐無東侵意故亦報使遜謝仍求請通市

案噶爾丹本綽羅斯

部巴圖爾琿台吉之子兼併四衛拉特自立爲準噶爾汗者

康熙三十三年俄使自土魯番哈密來求入嘉峪關互市

案查時爲立館於京師中御河橋西定三年一互市來者不得

逾二百人以八十日爲期

康熙三十五年命大將軍費揚古討破噶爾丹於昭莫多

案查是役噶爾丹乞援於俄俄拒不答

案噶爾丹自是遂亡

康熙五十一年土爾扈特汗阿玉奇遣使假道俄羅斯入貢

命侍讀圖理琛等亦假道俄羅斯報之

案查圖理琛等經東西錫伯利亞境俄皇命其疆吏厚爲之禮

並遣兵護送以歸圖理琛往返凡三年爲異域錄以紀其事

案噶爾丹

既亡策妄那布坦據有科布多以西伊犁以北一帶地嗣爲準噶爾汗復阻斷阿玉奇貢道潛開不軌遣使通款於俄俄人尙籌中國強大未敢助逆也

康熙五十四年進征準夷

命圖理琛馳赴楚庫河曉諭俄羅斯若策妄那布坦部衆有逃亡入境者令俄邊官兵卽行收納我國並不索取

案查雍正五六年間中俄勘定恰克圖界約凡三曰布林斯奇約曰阿巴哈依圖約曰色楞額約東自額爾古納河起西迄沙濱達巴哈止而不及新疆邊地蓋其時伊犁迤北尙多爲準夷

竊據故也

乾隆初年準噶爾汗阿睦爾撒納再叛

案查自準噶爾汗阿睦爾撒納再叛後大軍頻年征討

乾隆二十二年蕩平準噶爾汗西疆底定

案查當王師之取伊犁也準噶爾阿睦爾撒納窮蹙夜走俄羅斯境之額爾圖拉與俄官喀比潭相見於額爾濟斯河我師移檄索之未得取喀比潭印綬歸報旋有俄羅斯頭目來言阿睦爾濟河無蹤疑已溺斃參贊大臣富德探聞阿睦爾撒納逃入俄界被獲將軍兆惠亦委員至俄境森博羅特等處偵察會阿睦爾撒納患痘死

案自大軍戡定西域凡俄羅斯逃人之在伊犁者悉差出遣送回國

乾隆二十三年俄人歸準噶爾屍驗實奏聞於朝

案查準噶爾蕩平述畧言阿睦爾撒納徒步入俄羅斯爲樵者所得守卡之瑪玉爾送往俄國理藩院行文索之會阿睦爾撒納患痘死俄以其屍送入邊云云與此微異

乾隆三十五年十月土爾扈特汗烏巴錫聽從台吉舍稜計棄俄羅斯舊牧襲殺俄匠千人携衆四十萬東走伊犁表求內附

案查舍稜本土爾扈特舊族未從西徙仍居伊犁爲準噶爾台吉大軍征準部舍稜竄入俄境遣使乞降於俄俄人執舍稜羈諸森博羅特圖喇詔遣軍擊之未至俄復徙舍稜入其境諭理藩院移文俄官執舍稜以獻舍稜懼潛遁歸往依土爾扈特部當是時俄皇屢徵土爾扈特兵與鄰國戰輒敗死者七八萬人會俄又有徵命部人洵懼舍稜因說烏巴錫棄俄內徙並流言於衆曰今俄將徵調令十六歲以上者悉赴敵是盡僇我種姓也部人益懼烏巴錫乃大集會議諭以避地內附之利衆從之沿途劫掠攻破俄國城邑四處俄將濟納拉喇率兵追之烏巴錫之衆已逾鏗格爾圖喇而南入中國邊界俄兵不及而還於是伊犁將軍伊額圖安置其衆於伊犁隙地馳驛以聞時廷議以舍稜同來情屬叵測又以不宜受俄羅斯叛人虞啟邊釁議

不決

純廟宸衷乾斷以舍稜本我叛臣一再移檄索取俄人迄未交出今日願來歸我卽據此以折其機牙俄當無辭以對卒受之勅理藩院以此意傳檄俄羅斯示諭知之俄人果恭謹順命無異辭兩國邊吏講信修睦旋敦和好

案自是以後迄於嘉道四朝上下六十年間正我國家全盛之時德威聲望固不懷畏俄羅斯雖狡焉思

是猶不敢輕意肆志搖蕩我邊疆

道光二十年俄盡有錫伯利亞全境而大吉利吉思部亦服屬於俄其時伊斯庫勒附近布魯特回族併爲俄人所征服

案查俄既盡有錫伯利亞全境及服屬大吉利吉思布魯特回族各部其疆界直接於我伊犁兩國交涉浸以日繁而俄人遣使通商訂約之事因之以起

案布魯特回族亦吉利吉思族之一部

道光季年俄人乘我東南髮亂紛起錫伯利亞總督摩刺維夫既遣哥薩克艦隊測量黑龍江航路更溯額爾齊斯河上流欲於伊犁塔爾巴哈台喀什噶爾三處開闢商埠逕達嘉峪關以通秦隴

腹地商務遣使詣北京牒請於理藩院奏聞奉

旨着伊犁將軍查明議覆

案查伊犁將軍薩迎阿奕山等會查具奏畧言俄羅斯請於伊犁塔爾巴哈台二處通商尙無窒碍惟查哈克圖事例難於仿行擬請照哈薩克貿易章程辦理庶可相安其喀什噶爾一處事多窒碍請毋庸議等語奏入

上念俄羅斯海邦大國未便以哈薩克章程相待

諭曰國家撫馭外人必期日久相安方能永靖邊陲該國甫議通商與哈薩克久經內附者不同所有進卡查明人數與牲畜貨物多寡撥兵接護其貨物或由章京酌量易換或聽其與商民自行易換換賸貨物仍令自行帶回不得籍貨未換完逗遛赴街市置買食物發給執照限以時刻呈繳有犯罪名應如何覆辦方不至激生事端必須公同酌議方可永遠照辦著薩迎阿奕山等通知該國揀派大員前來會議妥立章程詳細具奏

至應議規條必須體察情形細心妥籌總期日久奉行有利無
弊該將軍卽廣諮博採會同該國商辦不可草率定議至喀什
噶爾既據查明窒碍難行應著毋庸置議並將理藩院咨行俄
羅斯文底抄給閱看將此諭令知之時薩迎阿解任署伊犁將
軍奕山塔城參贊大臣布彥泰會同俄官議定伊塔通商章程
十七條許以伊犁之博羅胡吉爾卡倫塔爾巴哈台之烏占卡
倫爲俄國易市場具奏咸豐元年八月二十一日奉
旨俞允施行

又案此是爲新疆與俄國第一次訂約之始時西曆一千八百
五十一年俄七月二十五日

伊塔通商章程十七條錄左 第一條兩國議定通商之後各
諭屬下人等安靜交易以敦和好 第二條兩國商人互相交
易雖屬自定價值不能不爲之設官照管中國由伊犁營務處
派員俄國專派管貿易之匡蘇勒官照管遇有兩邊商人之事

各自秉公辦理 第三條通商原爲兩國和好彼此兩不抽稅

第四條俄商前來貿易由該頭人帶領到中國伊犁博羅霍吉爾卡倫塔爾巴哈台烏占卡倫必須有俄國執照呈坐卡官照驗由坐卡官將人數及貨物數目聲明轉報派撥官兵沿卡照料議送彼此不得互相刁難 第五條俄商往來均由預定卡倫按站行走以便沿卡官兵照護 第六條俄商在中國伊犁博羅霍吉爾卡倫外塔爾巴哈台烏占卡倫外行走倘有夷匪搶奪等事中國概不經管自入卡倫及在貿易亭居住所有帶來貨物係在該商人房內收存各自小心看管其駝馬牲畜在灘牧放尤宜各自留心看守倘有丢失立即報知中國官員兩邊官員公同查看來去蹤跡如在中國民人莊院或將行竊之人立即拏獲盡數搜出實在原竊贓物給還外並將行竊之人嚴行懲辦 第七條兩邊商人遇有爭鬥小事卽著兩邊管貿易官究治倘遇人民重案卽照恰克圖現辦之例辦理 第

八條俄商每年前來貿易定於清明後入卡冬至卽行停止倘於定限之內其貨物尙未賣完聽該商人在此居住售賣完竣時由俄管貿易官飭令旋回其往來貨物駝馱如不敷二十匹頭不准其往來行走至匡蘇勒官員或商人遇有事故專派人出卡每月只准兩次以免沿卡官兵照護之累 第九條俄商前來貿易亭居住自有俄管貿易官管束必由俄管貿易官給與執照方准前往不得任意出外如無執照者卽送俄管貿易官究辦 第十條兩邊爲匪逃逸人犯彼此均不准容留務須嚴行查拏互相送交各自究辦 第十一條俄商前來必有騎駝牲畜卽在指定伊犁河沿一帶自行看牧其塔爾巴哈台亦在指定有草地方牧放不得踐踏田苗墳墓倘有違犯者卽交俄管貿易官究辦 第十二條兩國商人交易不准互相賒欠倘有不遵定議致有拖欠者雖經告官不爲准理 第十三條俄商來往貿易存貨住人必須房屋卽在伊犁塔爾巴哈台貿